

DOAZÓN DE MEDULA ÓSEA

A doazón de medula ósea é o nome xenérico que se lle da ao transplante de proxenitores hematopoéticos ou células nai do sangue.



Que é a medula ósea?

A medula ósea é un tecido esponxoso que se atopa no interior dos ósos planos (pelve, esterno...) e no que se fabrican as células nai, tamén chamadas proxenitores hematopoéticos, capaces de producir todas as células do sangue. Estas células nai tamén poden atoparse noutras fontes como no sangue circulante e no sangue de cordón umbilical.

Que é o transplante de medula ósea?

O transplante de proxenitores hematopoéticos, máis coñecido como transplante de medula ósea, é un tratamento para curar determinadas enfermidades do sangue como a leucemia, ao substituír as células defectuosas por outras normais procedentes dun doante san.

Aproximadamente, o 70% dos pacientes que necesitan un transplante non teñen un doante familiar compatible, e nestes casos iníciase a busca dun doante voluntario non emparentado cun alto grao de compatibilidade para que o transplante teña éxito.

En España a busca do doante faise a través do Redmo (Rexistro español de doantes de medula ósea).

Quen pode ser doante de medula ósea?

Calquera persoa con idade comprendida entre 18 e 40 anos que non teña ningunha enfermidade grave ou transmisíble.

Características da doazón

A doazón de medula ósea ten carácter anónimo, altruísta, voluntario e universal, é dicir, dóase para a persoa que o necesita en calquera parte do mundo.

Como se realiza a doazón?

Hai dúas maneiras para a doazón das células nai necesarias para un transplante:

FAITE DOANTE DE MEDULA ÓSEA

Formulario
consentimento
informado
REDMO

ENLACES RELACIONADOS

Autoinclusión ao
rexistro de
medula ósea

Solidarios ata a
medula

CONTIDOS RELACIONADOS

Locais de doazón

Información sobre
as doazóns de
medula ósea 

Preguntas
frecuentes sobre a
doazón de medula
ósea

- Habitualmente a doazón das células nai necesarias para un transplante realízase a partir do sangue periférico: aínda que en condicións normais os proxenitores hematopoéticos atópanse na medula ósea, poden mobilizarse ao sangue circulante; para iso, ao doante adminístranselle uns fármacos inyectables durante 4 ou 5 días de maneira ambulatoria. A doazón de células nai de sangue periférico non precisa hospitalización e realízase en 1 ou 2 sesións mediante unha técnica chamada aférese.

- En determinandas ocasións requírese a doazón de células nai de medula ósea. Este tipo de doazón consiste na extracción de proxenitores hematopoéticos mediante puncións nos ósos das cadeira; realízase en quirófano, baixo anestesia e require ingreso hospitalario.

Como podo facerme doante?

En Galicia, o centro de referencia de doantes de medula ósea é a Axencia de Doazón de Órganos e Sangue. As persoas interesadas poden chamar ao número de atención ao doante 900 100 828 de ADOS onde recibirán a explicación e documentación detallada.

Para saber máis:

<http://galicia.medulaosea.org>

<http://www.fcarreras.org/es/>

<http://www.ont.es/informacion/paginas/>